

3 Yoane Yoaneŋe ekap kalimbune kulenguop.

O bukune Gaio,

¹ Nâŋe Kiristohât lohimbi yengât kunyeŋe manmâ nâŋgâyinŋim yâkât den kâsikum yinŋim gan. Otmu gâ gurâ yawuâk den kâsikum gihim biwinane kepeihekmâ manmâ gan. Yakât otmâ ekap yu kulemgum katgihian. ²⁻⁴ Gâŋe biwihe galemahom heŋgenŋum Kiristohât den tinâk lâum yâkât mâtâp tâŋ tâŋâk watmâ gat. Yakât bukulipnenŋe nombotŋeŋe taka gâhât den pat eknohoŋetâ nâŋgâm herone dondâhâlâk otban. Yawu gârâmâ sâp âlâen den pat nâŋgâman yan yawu ki otman. Yawu mansat yakât nâŋgâm yuwu sâm gâhât Anitâ ulitguman. “O Awon, gâŋe Gaio nâŋgawaŋgirâ umatŋe âlâ kakŋan ki yâhâwuap. Yawu otmâ hâk sânduhânâk manmâ yâhâwuapgât nâŋgâm ulitgohan.” Yawu sâm gâhât Anitâ ulitguman.

Yoaneŋe bukune Gaio mepaeop.

⁵ Nâŋe kapi yu ambolipŋe lok nombotŋe hoŋ hâŋgânyongomune gâhâlen takawi. Takawi sâp yan gâŋe Kiristohât den lâum manmat yakât nâŋgâm dâiyekmâ emelan katyekmâ sot um yinŋion. ⁶⁻⁷ Otmu purik sâm takawi yan Kiristohât lohimbi nengât sennenŋan kinmâ buku otyinŋion yakât den pat eknongoŋetâ nâŋgâm herone nâŋgâhihiwin. Otmu nâŋe âlâkuâk

hoŋ hângânyongomune pâku lohimbi kapiŋe kapiŋe manmâ arai ya yengâlen ari Kiristohât den pat âlepŋe ekyongom mansai. Den pat ekyongom mansai yakât hâmeŋe ningiŋet sâŋ ki ekyongonomai. Yawu gârâmâ nep mem mannomai yaŋe gâhâlen takanjetâ tatmâ yapâ mâtâp meyiŋgirâ pilâm âlâengen ari nep menomai. Yawu otyiŋgirâ Anitâŋe nâŋgâhihimu ârândân otbuap. ⁸ Nen Kiristohât lohimbi wosapâ me wosapâ manmainŋe lok yawuya yengât nâŋgâyiŋim senŋe âlâlâ tânyongonom. Yawu otyiŋgimunŋe yâkŋe Kiristohât den pat sâŋ haok tuhuŋjetâ liŋarakmâ ariwuap.

Dioterepe yet Demetirio yâk yetgât sâop.

⁹ Otmu yeŋe gurâ yawuâk lok yawuya yengât nâŋgâyiŋim senŋe âlâlâ tânyongonjetgât den tâlâwâk kulemgum katyiŋgimune ekbi. Yâhâ yengâlen gâtŋe lok âlâ, kutŋe Dioterepe, yâkŋe ikŋahâk lohimbi yengât kunyeŋe manbe sâŋ nâhât den kakŋan sâŋap. ¹⁰ Otmu imbiâk nâhât den belângen sâŋap. Nâŋe lohimbi hângânyongomune yengâlen takanjetâ ki buku otyiŋgimap. Otmu bukuliŋŋaŋe buku otyiŋgimai sâŋ kuyiŋgim topŋe âlâlâ mângâeyekŋap. Yakât otmâ nâŋe sâp âlâen yengâlen takawom yanâmâ yâkât orotmeme bâleŋe sâŋ aran yu lohimbi senyeŋan kinmâ sâŋ tetemune nâŋgânomai.

¹¹ Bukune, yuwu sâŋmune nâŋgâ. Dioterepeŋe otmu bâleŋap yawu ki otbuat. Lohimbi âlâ me âlâŋe orotmeme bâleŋe tâtâem otmai ya yekmunŋe Anitâhâlen biwiyeŋaŋe ki kepeimai yawu otŋap. Yâhâ lohimbi âlâ me âlâŋe orotmeme âlepŋeâk

otmai ya yekmunje Anitâhâlen biwiyenaje kepeimai yawu otmap. Yakât otmâ gâne gurâ orotmeme âlepneak otmâ yâhâwuatgât nanjan.

¹² Yâhâ bukunenje âlâ, kutje Demetirio, yâkne târârâhâk manmap. Otmu yâkât manmanje ekmâ nen Kiristohât lohimbije nângâwanjim mepae-main. Nâne den ki meman ya nanjat. Yakât otmâ den yan yu nângârâ bulâne otbuap.

Den bâine sâm hâreop.

¹³ Nângân nângân âlâlâ biwiran tap ya hârohâk kulemgum katgihimbâm yamâ nângâmune umatne otmu pilâm den pâne tâlâwâk yu kulemgum katgihian. ¹⁴ Yâhâ sâp ki kâlep otmuâk gâhâlen takamune enakmâ den alahuromgât nanjan.

¹⁵ Biwihe huruŋ sâm manbuatgât nângâm An-itâ ulitguman.

Bukulipyenaje orowâk nângâhihiain. Otmu bukulpnenje gâ orowâk mansai ya yengât gurâ nângâyinŋiain ya ekyongowuat.

Nâ bukuyene,
Yoane

Yesuât Den Pat Âlepŋe
The New Testament in the Selepet Language of Papua
New Guinea
Nupela Testamen long tokples Selepet long Niugini

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 22 Nov 2019

995083d2-705e-5a60-af47-1e36806ccbc